



Byggadministrasjon Harald Bjørndal As  
Postboks 103  
5649 EIKELANDSOSEN

Referanser:  
Dykkar:  
Vår: 23/2329 - 23/30924

Saksbehandlar:  
Hogne Askeland  
hogne.askeland@alver.kommune.no

Dato:  
26.04.2023

## Løyve til utslepp av avløpsvatn - Slamavskiljar - gbnr 134/57 Hilland

**Administrativt vedtak:**      **Saknr: 419/23**

**Byggestad:**                      Gbnr: 134/57  
**Tiltakshavar:**                  Carsten Wulf  
**Ansvarleg søkjar:**              Byggadministrasjon Harald Bjørndal As  
**Type utslepp:**                    Sanitært avløpsvatn med utslepp mindre enn 50pe  
**Søknadstype:**                    Forureiningslova § 11, jf. forureiningsforskrifta § 12-3

### VEDTAK

Det vert gjeve utsleppsløyve for fritidsbustad på gbnr. 134/57 Hilland på følgjande vilkår:

1. Det skal monterast tilstrekkeleg dimensjonert typegodkjent slamavskiljar. Restutsleppet frå slamavskiljaren skal førast i tett leidning til sjø som omsøkt og vist på kart.
2. Utsleppet frå eigedomen vert gitt for 5 pe.
3. Utsleppet skal til ei kvar tid tilfredsstillast krav i Forskrift om begrensning av forurensing, §§ 12-7 til 12-13.
4. Eigedomen skal knytast til offentleg godkjend avlaupsleidning eller anna felleisleidning dersom slike vert ført fram til området og kommunen set krav om det.
5. Tiltaket er søknadspiktig etter Plan- og bygningslova. Søknad om løyve til tiltak må sendast inn av kvalifisert føretak og godkjennast før arbeidet kan setjast i gang.
6. Arbeida kan ikkje setjast i gang før det ligg føre godkjenning frå Bergen og Omland Farvassforvaltning IKS for legging av leidning i sjø.
7. Før avløpsanlegget takast i bruk må det liggje føre stadfesting frå montør og koordinatar for plassering av anlegget.

Vedtaket er heimla i forureiningslova § 11, forureiningsforskrifta § 12-5.

## **SAKSUTGREIING**

### **Tiltak**

Saka gjeld søknad om utsleppsløyve for fritidsbustad på gbnr. 134/57 Hilland. Det skal etablerast 4m<sup>3</sup> slamavskiljar av type VPI. Utslepp frå slamavskiljar skal førast vidare i utsleppsledning som går til sjø.

Storleiken til utsleppet frå fritidsbustaden er opplyst til 4 pe. 4m<sup>3</sup> er dimensjonert for utslepp av 5 pe. Utsleppsløyve vert gjeve for 5 pe.

Det vert elles vist til søknad mottatt 14.02.2023, supplert 21.04.2023 og 24.04.2023.

### **Planstatus**

Eigedomen ligg i uregulert område innanfor det som i kommunedelplan for Knarvik, Alversund og Alverstraumen er definert som område for fritidsbustad.

### **Nabovarsel**

Tiltaket er nabovarsla i samsvar med forureiningsforskrifta § 12-4 nr. 2. Det ligg ikkje føre merknad frå naboar.

### **Uttale frå anna styresmakt**

Alver kommune har vurdert om saka må sendast på høyring og finn at det ikkje er særlege forhold i denne saka som inneber at saka må sendast på høyring.

### **Plassering**

Plassering og utsleppsstad er vist i kart datert 20.04.2023.

### **Reinseløysing**

Utsleppet frå fritidsbustaden skal reinsast i eksisterande slamavskiljar før det reinsa utsleppet vert ført vidare i tett ledning ut i sjø.

### **Drift og vedlikehald**

Det ligg føre tømmeavtale 19.04.2023 med Norva24 om tømning med bil.

### **Kap.12.**

Slamavskiljarar knytt til heilårsbustadar eller fritidsbustadar skal tømast heilt for slam etter behov, og ikkje sjeldnare enn kvart 2. år for heilårsbustadar og kvart 4. år for fritidsbustadar, jf. forureiningsforskrifta § 12-13.

### **Privatretslege tilhøve**

Avløpsanlegget er plassert på eigen eigedom, på gbnr. 134/57 Hilland. Utleppleidingen føl same trasé som eksisterande vassledning etablert i 2022.

## **VURDERING**

Det er offentleg kloakkanlegg i området. Det kommunale anlegget ligg om lag 110 meter nord/vest for denne eigedomen. Det er kommunens vurdering at tilkopling til kommunalt avløpsanlegg vil medføre ein kostand som overstig krav som er sett i «Retningsliner for tilknytning til offentleg VA-anlegg i Alver kommune». Skal avløpet koplast inn på det kommunale anlegget vil det krevje borehol og pumpeløysing.

Søknad om utsleppsløyve kan etter kommunen si vurdering godkjennast slik den ligg føre med utslepp via slamavskiljar til sjø.

### **Plassering**

Plassering av anlegg og leidningsnett kan etter kommunen si vurdering godkjennast i samsvar med kart datert 20.04.2023.

### **Godkjenning etter andre lovverk**

Etablering av avlaupsanlegget krev løyve etter plan- og bygningslova kap. 20.

Søknad om løyve til etablering av avløpsanlegg etter plan- og bygningslova må sendast inn av eit ansvarleg føretak.

Utflegging av leidning i sjø krev godkjenning frå Bergen Hamn Farvassforvaltning.

### **Mynde**

Saka er handsama og avgjort administrativt i medhald av delebert mynde, jf. kommunelova § 5-3, 3.ledd og gjeldande delegasjonsreglement.

### **Klage**

Enkeltvedtak fatta i medhald av forureiningsforskrifta kapittel 12 kan klagast på til kommunestyret eller særskilt klagenemnd, jf. [forurensningsloven § 85](#) 2.ledd og forureiningsforskrifta § 12-15. For enkeltvedtak fatta av kommunestyret er Statsforvaltaren klageinstans.

Enkeltvedtak fatta i medhald av forureiningsforskrifta kapittel 13 kan klagast på til Statsforvaltaren, jf. forureiningslova § 85 2.ledd og forureiningsforskrifta § 41-5

Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast. Før det kan reisast søksmål om vedtaket er gyldig eller krav om erstatning, må høvet til å klaga på vedtaket vera nytta fullt ut, jf. fvl. § 27b.

### **Ansvar**

Anleggseigar er ansvarleg for at alt arbeid følgjer føresegner gjeve i eller i medhald av forureiningslova og plan- og bygningslova. Om søknaden er i strid med offentlege føresegner, gjeld føresegnene før løyvet. Vedtak etter forureiningslova inneber ikkje avgjerd i privatrettslege tilhøve.

### **Bortfall av løyve**

Er arbeidet med etablering av avløpsanlegget ikkje sett i verk innan tre år etter at løyve er gitt, eller vert arbeidet innstilt i lengre tid enn to år, fell retten til å etablere utsleppet vekk, jf. forureiningsforskrifta § 12-5 4.ledd og § 13-5 4.ledd. Om utslepp framleis er aktuelt må ny søknad sendast inn.

### **Tilsyn, endring og opphøyr av løyvet**

Kommunen er forureiningsstyresmakt og fører tilsyn med at føresegner, lovverk og vedtak fatta i tråd med forureiningsforskrifta kapittel 12 og 13 vert følgd. Forureiningsstyresmakta har rett og plikt til å utføra tilsyn med avlaupsanlegga. Tilsynet vil kunna omfatta kontroll av anlegg si yting/funksjon og kontroll av kvalitet på utført sørvis og vedlikehald. Eigar av anlegget må dekkja kostnader knytt til tilsyn og kontroll, jf. forureiningslova kap.7.

Om utsleppet fører til uventa forureiningsproblem, kan forureiningsstyresmakta oppheve eller endre vilkåra i utsleppsløyvet, setja nye vilkår og om naudsynt kalla tilbake løyvet i samsvar med forureiningslova § 18 og forureiningsforskrifta § 12-14 og § 13-17.

**Ved all vidare kontakt i denne saka, ver venleg og referer til saknr.: 23/2329**

Med vennleg helsing  
Alver kommune

Eirik Berntsen  
Avdelingsleiar

Hogne Askeland  
Konsulent

*Dette dokumentet er elektronisk godkjent og har difor ingen signatur.*

**Mottakarar:**

Byggadministrasjon Harald  
Bjørndal As  
Carsten Wulf

Postboks 103      5649  
Kvernabekkvege    5243  
n 96

EIKELANDSOSEN

FANA